

Bebe in Madmōd ko an Kōtaan len nian Kabnōnō in Mantin Lōn

Taitol IX ilo kakien eo an federal ej kamo mantin kalijeklok kin an juon leddik ak laddik ilo jabdewōt burokraam in jelālokjen ak makūtkūt ej ebōk jibañ in jān jen federal. Taitol IX ej kamo kabnōnō in mantin lōn im bareinwōt kakkure einwōt reap, kakkure, im kamakoko; jekdoñ armij eo leddik ak laddik; im jekdoñ ewōr ak ejellok ripoot ear bael kin ruprup kakien.

Ilo Mae 19, 2020, Department of Education eo an Amedka (Ran in Jelālokjen, US DOE) Office for Civil Rights (Opij eo ej bōk eddon kakien ko rej kejbarok maron ko an armij) ear lelok kakien kāal ko ilo Taitol IX. Raan eo enaj jejjet kūtien kakien kāal ko ilo Taitol IX ej **Okwoj 14, 2020**.

Wūnin

Ra in Jelālokjen eo an State eo an Hawaii (HIDOE) enaj kōmmāne juon Kakien in Kōmadmōd an Hawaii (HAR) ebañ oktak nian lale kakien ko rekāal ilo Taitol IX. Kakien ko rekāal ilo Taitol IX rej lelok juon madmōd nian abnōnō ko ikijen mantin lōn im rej aikuj loor nian aer jab likjab, im mokta jen aer lelok jabdewōt kain kaje kin bōd. Innem, HIDOE ear kōmmāne juon Madmōd eo an Kōtaan len nian Abnōnō ko ikijen Mantin Lōn (Mennin Aikuj ko an Jidik len) nian lale abnōnō ko ikijen mantin lōn mae ien juon HAR ekāal enaj dedelok. Mennin Aikuj ko an Kōtaan len rej kōmmāne madmōd eo nian abnōnō ko rej lale kōjellā im abnōnō ko ikijen mantin lōn ikijen jabdewōt rijikuul ilo burokraam ak makūtkūt ko an HIDOE. HIDOE ej tiljek in loloorjak ke rijikuul ro renaj bed ilo juon mejatoto in katak eo ejellok kalijeklok im kabnōnō, ekoba mantin lōn.

- a. HIDOE enaj bōke wāween ko remōkaj im ekkar nian kabōjrak abnōnō ko ikijen mantin lōn im rej walok ilo jabdewōt burokraam ak makūtkūt in katak, einwōt kōmelele ilo Mennin Aikuj ko an Kōtaan len, nian kejbarok an jab bar walok im jibañ jorrān ko rej walok jen abnōnō ko ikijen mantin lōn nian armij eo/ro rar lelok abnōnō, ak ro jet, einwōt an ekkar.
- b. Civil Rights Compliance Branch (Ra eo ej bōk eddon kakien ko rej kejbarok maron ko an armij, CRCB) ej an eddo kōlaajrak im kōjejjet kūtien mennin aikuj kein. Eddo ko an CRCB ekoba lale abnōnō ko ewōr karōkier ikijen mantin lōn, etale abnōnō ko ewōr karōkier kin bōd in makūtkūt ko ikijen mantin lōn, lelok kōjella kin melele in kebaak Rikōlaajrak eo/ro an Taitol IX, im bareinwōt kōjejjet kūtien mennin aikuj ko nian lale bōd in makūtkūt ko ewōr abnōnō kin mantin lōn, lelok katak in kaminene nian rijikuul, rijerbal, rijibañ im pade ro kein kajilu an HIDOE ikijen maron im eddo ko aer ikijen abnōnō ko ikijen mantin lōn.
- c. Mennin Aikuj kein an Kōtaan len rej nian rijikuul ro emōj kadeloñ ettaer ilo jikuul ko an HIDOE ilōan yiō in jikuul eo ekkā, ien jemar, ak ien jikuul ko jet, jekdoñ jete aer yiō, im bareinwōt mūtōn rijerbal, rijibañ, im pade ro kein kajilu an HIDOE ilo ien in im moktalok, elañe enaj wōr nae ruer ke rar kōmman bōd ilo burokraam ak makūtkūt in jelālokjen an HIDOE, einwōt kōmelele ilo Mennin Aikuj ko an Kōtaan len.
- d. HIDOE aikuj loor Kakobaba ko ilo 1972 ikijen Jelālokjen ilo Taitol IX, Kakien eo an Kien 92-318, ilo an kōmadmōde Mennin Aikuj ko an Kōtaan len.

1. Kōmelele ko

“Lukkun Jelā” melelein kōjella ak nae ruon juon kin abnōnō in mantin lōn nian jabdewōt rijerbal ilo jikuul in elementary im eutiejlōk.

Melelein mennin ej ilo ien jabdewōt rijerbal in HIDOE ewōr kōjellā enaj loe abnōnō ak nae ruon kin mantin lōn, rej aikuj kōjella kin melele in nian rikōmadmōd ak supervisor eo an. Rikōmadmōd ak supervisor ro rej aikuj kōjellā kin melele eo Ra eo ej bōk eddon loor kakien ko rej kejbarok maron ko an armij (CRCB) emōj aer loe.

Bebe in Madmōd ko an Kōtaan len ñan Kabnōnō in Mantin Lōn

“Kōjellā” ekoba bōtab ejab bōjrak wōt kin, juon kōjellā kin abnōnō kin mantin lōn ñan Rikōlaajrak eo an Taitol IX ak jabdewōt riejrbal an HIDEOE, im lale ak kamool abnōnō kin mantin lōn jabdewōt rijerbal an HIDEOE ear kōmmāne.

“Armij eo ej lelok Abnōnō” melelein jabdewōt armij emōj nae ruon ear kōmman bōd im ewōr abnōnō kin mantin lōn.

“Kōmelim” melelein an juon lukkun bōk kwōnaan ilo an jelā im an make bebe ilo makūtkūt ko rej mantin lōn. Ñe rijikuul eo ear ioon abnōnō kin mantin lōn im ebed ilo dettan yiō ko emaron lelok kōmelim, renaj watōke ear jab lelok kōmelim.

“CRCB” ej jutak kin Civil Rights Compliance Branch (Ra eo ej bōk eddon loor kakien ko rej kejbarok maron ko an armij), opij eo iloon HIDEOE an eddo in loloorjak ke HIDEOE ej loor, im ej kōjejjēt kūtien kakien im mennin aikuj ko an federal im state, koba kakien im mennin aikuj ko an HIDEOE ikijen maron ko an rijikuul im rijerbal jimor iomwin kakien. An bar CRCB eddo in lale im/ak kōmman etale ko ikijen mantin kalijeklok kin an juon leddik ak laddik, ekoba abnōnō kin mantin lōn.

“Kakkure ilo ien jerā” melelein jorrāān eo juon armij eo ej jeran ak belele ibben armij eo ear kōjorrāān. An walok jorrāān eo ilo jerā eo renaj lale ekkar ñan kōmelele eo an armij eo ej lelok kōjellā im ilo aer watōke joñan aitok in jerā eo, kain jera eo, im joñan ikūt in an armij ro bed iturin doon. Ñan kōmelele jorrāān ilo ien jerā ekoba, bōtab ejab bōjrak wōt ñan kakkure kin mantin lōn ak lelok metak ak kōlelñon kin an manne. Jorrāān ilo ien jerā ejab koba makūtkūt ko rekoba ilo kōmelele ko an jorrāān ko rej walok iloon baamle.

“Jorrāān ko rej walok iloon baamle” melelein jorrāān eo ear walok jen armij eo belen ak jeran juon armij eo ear ioon jorrāān ilo ien eo ak moktalok ; im armij eo emaron wōr nejin ajiri ibben; jen armij eo ej jokwe ibben ak emōj an kar jokwe ibben, armij eo ear jorrāān ej belen ak koba ibben; jen armij eo einwōt ej kobalok ibben armij eo belen armij eo ear jorrāān iomwin kakien ko ikijen jorrāān ko rej walok ibben ribelele ak baamle ilo State eo an Hawaii;¹ ak kin jabdewōt bar armij ñan rūtto ak jodikdik eo ear jorrāān im ej kejbarok jen makūtkūt ko an juon armij iomwin kakien ko an jorrāān ko rej walok ikōtaan ribelele ak baamle ilo State eo an Hawaii.²

“Burokraam ak makūtkūt an jelālokjen” melelein jikin, makūtkūt, ak wāween ko HIDEOE ej kōmman kōmadmōd eo elab joñan kin kobban melele ko an armij eo ej uwaak kin an walok abnōnō eo ikijen mantin lōn.

“Abnōnō ewōr karōkin” melelein juon peba ej bael jen ibben armij eo ej lelok abnōnō ak jain jen ibben Rikōlaajrak eo an Taitol IX ej nae ruon armij kin abnōnō ikijen mantin lōn im kajitōk an HIDEOE etale aer nae ruon kin abnōnō eo ikijen mantin lōn. Ilo ien bael ae juon abnōnō ewōr karōkin, armij eo ej lelok abnōnō aikuj bōk kwōnaan ilo ak kajeoñ in bōk kwōnaan ilo burokraam ak makūtkūt ikijen jelālokjen an HIDEOE im abnōnō eo ewōr karōkin emōj bael. Juon abnōnō eo ewōr karōkin emaron bael ibben Rikōlaajrak eo an Taitol IX ilo am make lelok, ilo mael, ak ilo mael ko ilo kombuitor, ak ilo am kōjerbal melele in kebaak ko emōj laajrak ñan Rikōlaajrak eo an Taitol IX, im ilo jabdewōt wāween ko jet emōj kwalok.

¹ Lale Haw. Rev. Stat. (Kakien eo an Hawaii emōj kōkkāāl) §586-1, Haw. Rev. Stat. (Kakien eo an Hawaii emōj kōkkāāl) §709-906.

² Id. Bar lale, Haw. Rev. Stat. (Kakien eo an Hawaii emōj kōkkāāl) §571-2.

Bebe in Madmōd ko an Kōtaan len ñan Kabnōnō in Mantin Lōn

“Peba eo ear bael jen armij eo ej lelok abnōnō” melelein juon peba ak peba emōj lelok ilo kombutor (einwōt ilo mael ko ilo kein jermal kapeel in raan kein ak ilo juon jikin online ikijen mennin) im ewōr molin ak jain ilo kombutor an etan armij eo ej lelok abnōnō, ak emaron kwalok ke armij eo ej kōmman abnōnō ej ae eo ej baele abnōnō eo ewōr karōkin. Ilo an Rikōlaajrak eo an Taitol IX jaini juon abnōnō ewōr karōkin, Rikōlaajrak eo an Taitol IX ejab armij eo ej lelok abnōnō ak juon pade.

“HIDOE” melelein Hawaii State Department of Education (Ra eo an Jelālokjen an State eo an Hawaii).

“Armij eo ej uwaak” melelein juon armij eo emōj kōjellā ear kōmmane manit eo emaron einwōt kabnōnō in mantin lōn.

“Kakkure in mantin lōn” melelein jabdewōt makūtkūt ikijen mantin lōn rar kajeoñ ak lukkun kōmmane, ilo an ejellok melim jen armij eo ear jorrāān, ekoba ilo ien ko armij eo ear jorrāān ejab maron lelok kōmelim eo an.

- Reep ej ilo aer kadeloñ, jekdoñ joñan eo edik, ñan iloan jikin eo an kora ak kimwirmwir, ilo jabdewōt mōttan enbwin ak mweiuk, ak kōjermal loñin ñan mōttan enbwin bar juon armij, ilo an ejellok melim jen armij eo ear jorrāān. Jorrāān in ekoba reep ibben laddik im leddik jimor.
- Jibjibwe ej jibwe mōttan enbwin ko an juon armij ñan an juon kōmōnōnō ae make, ilo an ejellok kōmelim jen armij eo ear jorrāā, ekoba ien ko armij ear jorrāān ejab lelok kōmelim, ekoba ien ko armij eo ear jorrāān ejab maron lelok kōmelim kin joñan yiō eo an ak kin an jab maron kin joñan kōmelij eo an jekdon iomwin ien kadu ak ñan indeo.
- Kōpa ej an armij ro rej nuki doon kiki ibben doon ilo an wōr joñan ko iomwin kakien rej kamo aer marre.
- Kakkure juon eo edik joñan yiō eo an ej an juon armij kiki ibben juon eo edik joñan yiō eo an iomwin kakien ñan lelok kōmelim.

“Kabnōnō in mantin lōn” melelein manit ko ikijen lōn im ej kamōnōnō juon ak eloñlok armij ilo wāween ko laajrak: (1) Juon rijerbal an HIDOE ej kōjermal kakien ñan an lelok jāān in jibañ, jermal in jibañ, ak jermal jen HIDOE ñan an armij eo bōk kwōnaam ilo mantin lōn eo ejab kōnaan; (2) Manit eo juon ejab kōnaan emōj loe jen juon armij eo emmon joñan an lale enaj loe ke ekauwōtata, ejab bōjrak, im elab an kajook armij eo ke ejejjet an jab lelok bwe en joñan wōt juon an armij eo maron bōke burokraam ak makūtkūt in jelālokjen eo an HIDOE; ak (3) “Kabnōnō kin mantin lōn,” “kakkure ilo ien jerā,” “jorrāān ko rej walok iloan baamle,” ak “apād.”

“Apād” melelein bōk kwōnaam ilo juon mūtōn eo ejejjet ñan juon armij im emaron kōmman an armij eo mijak an ak ro jet bed ilo uwōta in jorrāān; ak entan lomnak ko aer. Ñan kōmelele in, “joñan mūtōn” melelein ruo ak eloñlok mūtōn ko, ekoba, bōtab ejab bōjrak wōt, mūtōn ko im armij eo ej apād ej kaju, ak jab kaju ak ibben pade ro kein kajilu kin jabdewōt makūtkūt, wāween, kein jermal, ak jekjek ko, loor, lale, alwōj, etale, kamijak, ak lelok melele ñan ak kin juon armij, ak kakkure mweiuk ko an armij eo. “Ewōr joñan melele ñan nae ruon armij” melelein juon armij eo ewōr joñan iomwin jekjek ko rej einwōt im ñan armij ro rej einwōt an armij eo ejorrāān. “Ebwe joñan aban ñan lomnak” melelein ebwe joñan an entan lomnak ak abnōnō im emaron aikuj an bōk wūno in kōmadmōd jen taktō ak bar juon eo ewōr an kapeel in lelok jibañ ak koonjel.

“Wāween ko rej lelok jibañ” melelein ejellok katak, ejellok kaje ilo jerba in jibañ eo emōj kōjenolok einwōt ekkar, ilo ien ewōr, ilo an ejellok wonnen ak muri ñan armij eo ej lelok abnōnō ak armij eo ej uwaak abnōnō mokta ak alikin an bael abnōnō eo ewōr karōkin ak ejellok abnōnō eo ewōr karōkin emōj an bael. Wāween ko emōj kōmmani ñan kōkkāāl ak kejbarok an joñan wōt an aoleb maron bōke burokraam ak makūtkūt in jelālokjen an HIDOE ilo an ejellok abañ

Bebe in Madmōd ko an Kōtaan len ñan Kabnōnō in Mantin Lōn

ñan pade eo juon, ekoba wāween ko emōj kōmmāni ñan kejbarok aoleb pade ak mejatoto in katak eo an HIDEOE, ak jab lale kabnōnō ko kin mantin lōn. Wāween jibañ ko emaron koba koonjel, kaitoklok ien ko aliktata ak kōmman oktak ilo katak ko jet, oktak ñan laajrakin awa in jermal ak kilaaj, jibañ ko ñan lale ak etal ibben juon ilo kamboj eo, mo ko ñan jab kebaak doon ikōtaan pade ro, oktak ko ilo jikin jermal ak imōn jokwe, ien bōjrak ko, lablok kejbarok im lale jet jikin ko ilo kamboj, im wāween ko jet einwōt. HIDEOE aikuj kejbarok an jab ajeeded melele kin jabdewōt wāween jibañ emōj lelok ñan armij eo ej lelok abnōnō ak armij eo ej uwaak abnōnō, ñan joñan eo ñan kejbarok an jab ajeeded melele eo eban jelot an HIDEOE maron lelok wāween jibañ ko. Rikōlaajrak eo an Taitol IX an eddo in kōlaajrak an jejjet kūtien wāween jibañ ko.

2. Joñan len ñan Kadedelok Madmōdin Abnōnō

- a. Madmōdin abnōnō, ekoba jumae ko, renaj dedelok iloan 90 raan.
- b. Joñan ien eo emaron rumijlok iomwin jidik ien, ak aitoklik kin an wōr wūnin kin juon kōjella ilo jeje ñan armij eo ej lelok abnōnō im armij eo ej uwaak abnōnō kin rumijlok ak aitoklok eo im wūnin. Wūn eo emaron koba aer lomnak kin melele ko einwōt
 - i. An jako juon pade, rilelok rōjañ an pade, ak juon rikamool;
 - ii. Makūtkūt in kabin kakien ko rej kōmman ilo juon wōt ien; ak
 - iii. Aikuj wōr jibañ kin kajin ak mennin jibañ kin utamwe.
- c. Ñe madmōdin abnōnō eo enaj rumijlok ak aitoklok iomwin ien kadu ilo an wōr wūnin elablok jen joñan ien eo ej 90 raan, rietale eo aikuj kōjellāik armij eo ej lelok abnōnō ak armij eo ej uwaak abnōnō ilo jeje kin jekjekin madmōdin abnōnō eo, innem alikin lelok melele kāal kin jekjek eo aoleb 30 raan.

3. An Jab Ajeeded Melele

- a. Enaj kejbarok an jab ajeeded melele ko rej kwalok kajeen jabdewōt armij eo ear kōmman kōjella ak abnōnō kin kabnōnō kin mantin lōn, ekoba jabdewōt armij eo emōj an kōmman kōjella ak bael abnōnō eo ewōr karōkin kin kabnōnō kin mantin lōn, jabdewōt armij eo ej lelok abnōnō, jabdewōt kajojo armij eo emōj kōjellā ear kōmman kabnōnō kin mantin lōn, jabdewōt armij eo ej uwaak abnōnō, im jabdewōt rikamool, ijellokun an maron melim iomwin Family Educational Rights and Privacy Act (Kakien eo ej kejbarok maron im melele ko an baamle ikijen jelālokjen, FERPA),³ ak einwōt an aikuj iomwin kakien, ak ñan kōmmane melele ko ilo Taitol IX im Mennin Aikuj kein an Jidik len, ekoba wāween an kōmman jabdewōt etale, ien roñjak, ak madmōdin ekajet ej walok tokelik.

4. Wāween Kōjellā ko rej Nae Ruon Armij kin aer Kabnōnō kin Mantin Lōn

- a. Jabdewōt armij emaron lelok kōjella kin kabnōnō ko kin mantin lōn, ilo kenono ak ilo jeje.
- b. Kajojo armij remaron lelok kōjella kin kabnōnō ko kin mantin lōn im/ak nae ruon juon kin kabnōnō kin mantin lōn ilo wāween ko laajrak:
 - i. Lelok melele ilo am bed iturin armij;
 - ii. Lelok melele ilo mael;
 - iii. Lelok melele ilo e-mail; im/ak
 - iv. Lelok melele ilo talebon.

³ 20 U.S.C. § 1232g; 34 CFR Paat 99.

Bebe in Madmōd ko an Kōtaan len ñan Kabnōnō in Mantin Lōn

- c. ripoot ko remaron kaju lok ñan Rikōlaajrak eo an Taitol IX ak jabdewōt rijerbal an jikuul, ekoba rikōmadmōd ro an jikuul, rijerbal im rikaki.

5. Uwaake Melele ko rej Nae Ruon Juon ke aer Kōmman Kabnōnō ko kin Mantin Lōn

- a. Ilo ien HIDEOE enaj lukkun jelā kin kabnōnō eo kin mantin lōn, aikuj uwaake ilo wāween eo ejab oktak.
- b. Ewōr ien ejellok oktak ilo an HIDEOE kōmadmōd kabnōnō eo kin mantin lōn elukkun alikar kin wāween ko ralikar.
- c. Ilo ien an HIDEOE loe ripoot eo kin kabnōnō eo kin mantin lōn enaj aikuj kōmmane buñten ko laajrak:
 - i. Kaju kebaak armij eo ej lelok abnōnō ñan kenono kin ta wāween ko remaron lelok jibañ;
 - ii. Lomnak kin kōnaan ko an armij eo ej lelok abnōnō ilo aer kile wāween ko rej lelok jibañ;
 - iii. Kōjellaik armij eo ej lelok abnōnō kin an wōr wāween jibañ ko ilo an wōr ak ejellok bael in abnōnō eo ewōr karōkin; im
 - iv. Kōmelele ñan armij eo ej lelok abnōnō, madmōdin lelok abnōnō eo ewōr karōkin.
- d. Mokta jen aer lelok jabdewōt kaje in katak ak jabdewōt makūtkūt rejab jibañ wāween ko ñan armij eo ej uwaak abnōnō, HIDEOE aikuj loor mennin aikuj ko ikijen abnōnō ñan abnōnō ko ewōr karōkier im emōj kōmelele ilo Jekjon 7, Mennin Aikuj ko an Abnōnō im Abnōnō ko ewōr Karōkier.

6. Lelok juon Abnōnō eo Ewōr Karōkin kin Kabnōnō kin Mantin Lōn

- a. Ñe armij eo ej lelok abnōnō enaj kōnaan kōmmane juon madmōdin abnōnō ilo Taitol IX, armij eo ej lelok abnōnō aikuj lelok abnōnō eo ewōr karōkin.
- b. Abnōnō eo ewōr karōkin aikuj jain jen ibben armij eo ej lelok abnōnō, ak emaron kalikar ke armij eo ej lelok abnōnō ej ae eo ej baele abnōnō eo ewōr karōkin. Jain in etan armij eo ilo abnōnō eo ewōr karōkin emaron jain ilo peba ak jain ilo kombuitor. Jinen im jemen ak rikejbarok ro an rijikuul iomwin kakien remaron jutak ikijen rijikuul ro redik, ekoba ilo aer bael abnōnō ewōr karōkin.
- c. Ak, Rikōlaajrak eo an Taitol IX emaron lelok abnōnō eo ewōr karōkin, elañe armij eo ej lelok abnōnō enaj kelet in jab lelok juon. Ilo wāween rōt kein, Rikōlaajrak eo an Taitol IX rejab watoke ej armij ej lelok abnōnō ak juon pade ilo madmōdin abnōnō eo.
- d. Juon abnōnō eo ewōr karōkin emaron bael ibben Rikōlaajrak eo an Taitol IX ilo aer lelok ñan bein, ilo mael, ilo email, ak kin jabdewōt wāween ko emōj kalikar.
- e. Ilo ien renaj lelok abnōnō eo ewōr karōkin, armij eo ej lelok abnōnō aikuj bōk kwōnaan ilo ak kajeoñ in bōk kwōnaan ilo juon burokraam ak makūtkūt an jelālokjen.

Bebe in Madmōd ko an Kōtaan len ñan Kabnōnō in Mantin Lōn

- f. Ejellok joñan jemlok ko kin ñaat eo armij eo ej lelok abnōnō emaron lelok juon abnōnō ewōr karōkin, toon wōt an armij eo ej lelok abnōnō bōk wōt kwōnaan ak kajeon in bōk kwōnaan ilo burokraam ak makūtkūt an jelālokjen.

7. Mennin Aikuj ko an Abnōnō ñan Abnōnō ko Ewōr Karōkier

- a. Wāween aer lale armij eo ear lelok abnōnō ak armij eo ej uwaak abnōnō ñan juon abnōnō eo ewōr karōkin kin kabnōnō in mantin lōn emaron kalijeklok kin mantin lōn iomwin mennin aikuj ko an abnōnō.
- b. Lelok juon abnōnō eo ewōr karōkin ej jino madmōdin abnōnō eo.
- c. Ilo ien renaj loe abnōnō eo ewōr karōkin, HIDEOE aikuj lelok juon kōjella ilo jeje kin ta ko rej nae ruon pade ro, elañe rejelā. Kōjella ilo jeje kin ta ko rej nae ruon rej aikuj koba melele ko laajrak:
- i. Kōjella kin madmōdin abnōnō eo;
 - ii. Kōjella kin ta ko rej nae ruon kabnōnō kin mantin lōn im remaron kwalok ej kabnōnō kin mantin lōn, ekoba tibdikin melele ko rebwe joñaer im rejelā ilo ien eo im kin ien eo ebwe joñan ñan kebooj uwaak eo mokta jen jabdewōt ien kajitōkin eo kein kajuon. Tibdikin melele ko ebwe joñaer ekoba:
 - a. An alikar wōn armij ro ilo pade ro rekoba ilo jorrāān eo ear walok, elañe rejelā;
 - b. Mūtōn eo rej nae ruon im ekoba kabnōnō ko kin mantin lōn, elañe rejelā; im
 - c. Raan im jikin eo ear walok mūtōn eo nae ruon armij, elañe rejelā;
 - iii. Juon melele ke armij eo ej uwaak abnōnō emōj lomnak ejab an eddo mūtōn eo rej nae ruon, im ke jemlok eo ikijen eddo enaj kōmman ilo jemlokin madmōdin abnōnō eo;
 - iv. Juon melele ke pade ro remaron wōr juon aer armij eo ej lelok rōjañ renaj kelet, im emaron, bōtab ejab aikuj, juon loar;
 - v. Pade ro remaron etale im lale kein kamool eo;
 - vi. Melele kin madmōdin jemlok ko ewōr karōkier im ewōr, elañe ewōr jabdewōt;⁴ im
 - vii. Kōjellaik pade ro kin jabdewōt kakien eo ej kamo ilo an jelā ke melele ko rejab jimwe ak jelā ilo an lelok melele ko rejab jimwe ilo ien madmōd eo an abnōnō.
- d. Elañe, ilo ien madmōd eo an abnōnō, armij eo ej etale enaj lomnak in etale melele ko nae ruon armij eo ej lelok abnōnō ak uwaak abnōnō im rar jab koba ilo kōjella ko rej kwalok melele ko nae ruon ilo jeje, armij eo ej kōmman etale aikuj lelok kōjella ilo jeje kin melele ko jet rej nae ruon ñan pade ro emōj kwalok wōn armij ro..
- e. Abnōnō ko ewōr karōkier rej aikuj jolok kin melele ko laajrak:
- i. Mūtōn eo nae ruon eban kwalok ke ewōr kabnōnō kin mantin lōn, einwōt kōmelele ilo Mennin Aikuj ko an Jidik len, jekdoñ emōj kamool;

⁴ §106.45(b)(2)(i)(A) aikuj ke Kōjella ko rej Kwalok Ta ko rej Nae Ruon ekoba kōjella kin madmōdin abnōnō eo, ekoba jabdewōt madmōdin jemlok ejellok karōkin. Bōtab, §106.45(b)(9)(iii) ej kalikar ke jemlok ko ejellok karōkier reban lelok ak kōlaajrak juon madmōdin jemlok ejellok karōkin ñan kōjemlok melele ko nae ruon rijerbal ke ear kabnōnō juon rijikuul kin mantin lōn. Innem, Kōjella ko rej Nae Ruon juon rijikuul/rijerbal eban koba melele ko kin juon madmōd ejellok karōkin.

Bebe in Madmōd ko an Kōtaan len ñan Kabnōnō in Mantin Lōn

- ii. Ilo ien an walok jorrān eo nae ruon, armij eo ej lelok abnōnō ear jab bōk kwōnaan ak kajeoñ in bōk kwōnaan ilo juon jikuul ak makūtkūt;
 - iii. Mūtōn eo ear jab walok ilo juon burokraam ak makūtkūt an jelālokjen; ak
 - iv. Mūtōn eo ear jab walok ñan armij ilo Amedka.
- f. Ñ renaj jolok juon abnōnō eo ewōr karōkin, juon kōjella ilo jeje kin aer jolok im wūn eo/ko innem renaj juon wōt ien aer jilkinlok ñan pade ro iloan jilu (3) raan in aer loe jemlok eo
- i. Kōjella eo ilo jeje kin jolok eo aikuj koba juon melele ej kalikar maron eo an pade ro ñan jumae jemlok eo ñan jolok.
 - ii. Ñe pade eo enaj kōnaan jumae an jolok madmōd eo, kajitōk eo ñan jumae aikuj loe iloan jilimjuon (7) raan jen raan eo ilo kōjella in jolok eo ilo jeje.
 - iii. Ñe kajitōk eo ñan jumae an jolok rejab loe jen raan eo emōj kalikar ilo kōjella in jolok eo ilo jeje, jemlok eo ñan jolok abnōnō eo ewōr karōkin emōj watōke ej jemlok eo aliktata.
- g. Ilo ien renaj jolok juon abnōnō eo ewōr karōkin, HIDOEO emaron wōt madmōd in lale mūtōn eo rej nae ruon juon ekkar ñan kakien ko jet an HIDOEO rekkar im/ak kakien ko an Board of Education (Ritōl in kwelok ro an jelālokjen,BOE).
- h. Ñe rejab jolok juon abnōnō eo ewōr karōkin, juon Rijerbal eo ej Lale An Joñan Wōt Juon ñan Aoleb ilo CRCB renaj jitoñ an etale abnōnō ko nae ruon im emōj likūt ijin.
- i. Elañe melele eo enaj walok ilo ien madmōdin abnōnō eo emaron jemlok ilo an bōjrak abnōnō eo ewōr karōkin, rietale eo, ilo an bōk melele ibben Rikōlaajrak eo an Taitol IX, renaj etale melele eo ñan lale elañe rej aikuj jolok abnōnō eo ewōr karōkin ilo ien etale eo.
- i. Ñe emōj loe ke ejellok wūnin jolok abnōnō eo ewōr karōkin, madmōdin abnōnō eo enaj woñmaanlok.
 - ii. Ñe emōj loe ke juon ak lablok wūn ko rej jibañ an bōjrak abnōnō eo ewōr karōkin, abnōnō eo ewōr karōkin renaj jolok. Rikōlaajrak eo an Taitol IX enaj juon wōt ien an lelok kōjella in bōjrak eo ilo jeje ñan armij eo ej lelok abnōnō im armij eo uwaak abnōnō iloan jilu (3) raan kin jemlok eo.
- j. Maron ñan Armij eo/ro rej Lelok Rōjañ
- i. Pade ro jimor ewōr ejjā joñan ien ko ñan kwalok ilo jabdewōt ien madmōdin abnōnō, ekoba ien ñan aer etal ñan jabdewōt kwelok ak madmōd ikijen abnōnō eo jen armij eo ej lelok rōjañ im rar kelet, im emaron, bōtab ejab aikuj, juon loar.
 - ii. Pade ro jimor emaron wōr joñan ien aer kelet ak kwalok juon armij eo ej lelok rōjañ ilo jabdewōt madmōdin kwelok ak abnōnō, bōtab HIDOEO emaron kōmmane mo ko ikijen joñan an armij eo ej lelok rōjañ bōk kwōnaan ilo madmōd kein, toon wōt an mo ko jermal ñan pade ro jimor ilo ejjā joñan ko.
 - iii. Ro rej lelok rōjañ reban maron uwaak im/ak uwaak ikijen pade eo rej jibañ.
 - iv. Ilo ien kwelok im/ak ien kajitōkin ko, pade ro im ro rej lelok rōjañ reban melim aer bebe ibben doon.
 - v. Armij eo ej lelok rōjañ emaron bed ilo jabdewōt ien kwelok ak ien kajitōkin ko an pade ro rej jibañ.
- k. Aen Kein Kamool

Bebe in Madmōd ko an Kōtaan len ñan Kabnōnō in Mantin Lōn

- i. Eddo eo ñan lelok kamool im eddo in aen kein kamool eo ebwe joñan ñan lale jemlok eo ikijen eddo eo an HIDOE, im ejab an pade ro.
 - ii. HIDOE eban aen, lomnak, kwalok, ak ilo juon wāween kōjermal rekoot ko rej kōmman ak kejbarok jen ibben juon taktō, rijermal ej katak kin kōmelij ko rejorrāan, rijermal ro rej lale wāween an juon lomnak, ak bar juon rijermal eo emōj kile kin kapeel eo an ak bar juon rijermal kapeel ej jermal ibben ilo an jermal ikijen armij eo ewōr an kapeel in jermal, im rar kōmman im kejbarok ilo an kobalok ibben kakien eo ñan lale pade eo, ijellokun an pade eo make bebe, kōmelim ilo jeje ñan aer bōke madmōdin abnōnō eo.
 - iii. Aikuj joñan wōt juon ien ñan an pade ro jimor kwalok rikamool ro aer, ekoba rikamool ko rejelā melele ko rejimwe im ro ewōr aer kapeel kin wāween eo, im kein kamool ko rej kwalok ewōr ak ejellok kein kamool.
- l. HIDOE ebañ kamo an jabdewōt pade kenono kin melele ko nae ruon juon iomwin ien etale eo ak ñan aen im kwalok kein kamool eo ekkar.
- m. Juon pade, im rej katmane ak kūr aer bōk kwōnaer, rej aikuj lelok juon kōjella ilo jeje kin raan, awa, jikin, armij ro rej bōk kwōnaer, wūnin aoleb ien roñjak ko, ien kajitōkin ko ikijen etale eo, ak kwelok ko jet, kin joñan ien eo ebwe ñan an pade eo bojak in bōk kwōnaan.
- n. Etale im Lale Kein Kamool
- i. Ilo ien emōj aen aoleb kein kamool, im mokta jen an dedelok ripoot in etale eo, armij eo ej lelok abnōnō im armij eo ej uwaak abnōnō aikuj wōr ien ñan aer etale im lale kein kamool eo ej kaju ikijen melele ko nae ruon im rar walok ilo abnōnō eo ewōr karōkin. .
 - ii. Kein kamool eo aikuj etal ñan pade ro im rirōjañ ro aer, elañe ewōr jabdewōt, ilo peba ak kombutor mokta jen an dedelok ripoot in etale eo.
 - iii. Ewōr an pade ro joñoul (10) raan in lelok uwaak ilo jeje ñan kein kamool ko emōj aen.
 - iv. Rietale eo aikuj lomnak kin aoleb uwaak ko an pade ro ilo jeje ilo ien an jeiki ripoot in etale eo.
- o. Ripoot in Etale
- i. Rietale eo aikuj kōmmane juon ripoot in etale ejellok kalijeklok ilo an kwalok melele kin kein kamool ko rekkar.
 - ii. Jab diklok jen joñoul (10) raan mokta jen an walok eddo eo an armij eo ej kōmman kelet, armij eo ej etale aikuj jilkinlok ñan kajojo pade, im rirōjañ eo an pade, elañe ewōr jabdewōt, juon kabe in ripoot in etale eo ñan aer etale im uwaak ilo jeje.
 - iii. Remaron jilkinlok ripoot in etale ilo kombutor ak ilo peba.

8. Madmōdin Kōmman Kelet

- a. Kajitōk ko ilo Jeje Rekkar ñan Pade ko im Rikamool ro
 - i. Alikin an etal kōjella in etale eo ñan pade ro, bōtab mokta jen juon jemlok ikijen eddo, armij eo ej kōmman jemlok aikuj lelok ien ñan an kajojo pade lelok kajitōk ilo jeje im rekkar im pade eo ekōnaan kajitōk ibben jabdewōt pade ak rikamool.
 - ii. Kajojo pade aikuj lelok uwaak ko ñan jeje in kajitōk ko rekkar, im kōmelim aer lelok kajitōk ko jet ewōr joñan ien lelok jen kajojo pade.

Bebe in Madmōd ko an Kōtaan len ñan Kabnōnō in Mantin Lōn

- iii. Kajitōk im kein kamool ko kin jekjekin mantin lōn ak mūtōn mantin lōn ko an armij eo ej lelok abnōnō moktalok rejab ekkar, jekdoñ kajitōk im kein kamool ko kin mūtōn armij eo ej lelok abnōnō mokta rej kamool ke juon armij eo oktak jen armij eo ej uwaak abnōnō ear kōmmane abnōnō eo nae ruon jen armij eo ej lelok abnōnō, ak elañe kajitōk im kein kamool ko ikijen jejetin jorrāan ko rar walok jen mūtōn armij eo ej lelok abnōnō moktalok ilo an kile armij eo ej uwaak abnōnō im rej lelok ñan kamool kōmelim eo an.
 - iv. Armij eo/ro rej kōmman jemlok rej aikuj kōmelele ñan pade eo ej lemaanlok kajitōk kin jabdewōt jemlok ñan jolok juon kajitōk eo ejab ekkar.
- b. Armij eo ej kōmman jemlok aikuj etale aoleb kein kamool ko rekkar, ekoba kein kamool ko rej kwalok ewōr ak ejellok bōd ear walok. Jabdewōt jemlok ko remool im emōj tōbar remaron jab ekkar ñan jekjek eo an armij einwōt juon eo ej lelok abnōnō, uwaak abnōnō, ak rikamool.
 - c. Armij eo ej kōmman kelet aikuj lelok juon jemlok ilo jeje ikijen an wōn eddo. Ñan tōbare jemlok in, armij eo ej kōmmane kelet eo aikuj kōjermal melele ko remool einwōt joñan aikuj eo ñan kamool.
 - d. Jemlok eo ilo jeje aikuj koba melele ko laajrak:
 - i. Kalikar melele ko rej nae ruon im remaron kwalok ke rej kabnōnō kin mantin lōn, einwōt emōj kōmelele ijin lōn;
 - ii. Juon kōmelele kin buñten ko rej mennin aikuj jen ien eo rar loe abnōnō eo ewōr karōkin mae ien renaj kōmman jemlok, ekoba jabdewōt kōjella ko ñan pade, ien kajitōkin ko ibben pade ro im rikamool ro, ien lolak jikin ko, im wāween ko rar kōjermal ñan aen kein kamool ko jet;
 - iii. Melele ko rejimwe emōj loe im rej jibañ jemlok eo;
 - iv. Jemlok ko ikijen an HIDEOE kōjermal Kakien ko kin Mūtōn ñan melele ko rejimwe;
 - v. Juon kōmelele kin, im wūnin, jemlok eo an kajojo nae ruon, ekoba jemlok eo ikijen an wōn eddo, jabdewōt kaje ko rej lelok katak kin bōd ñan armij eo ej uwaak abnōnō, im elañe jibañ ko rar kōmmani ñan kōkkāal ak kejbarok an joñan wōt an HIDEOE lelok jibañ ñan armij eo ej lelok abnōnō ñan an maron bōke burokraam ak makūtkūt in jelalokjen jen HIDEOE.
 - vi. Mennin aikuj im wūn ko remelim ñan armij eo ej lelok abnōnō im armij eo ej uwaak abnōnō ñan jumae.
 - vii. Kōmelele kin mennin aikuj im wūn ko remelim ñan armij eo ej lelok abnōnō im armij eo ej uwaak abnōnō ñan jumae, aikuj koba an alikar wōn armij eo ej kōmman jemlok ilo madmōdin jumae eo.
 - e. Armij eo ej kōmman jemlok aikuj lelok jemlok eo an ilo jeje ñan pade ro ilo juon wōt ien.
 - f. Jemlok eo ikijen eddo enaj jemlok eo aliktata ilo raan eo pade ro renaj loe jemlok eo ilo jeje kin jemlok eo an jumae eo, elañe jumae eo ear bael, ak ñe jumae eo ear jab bael, raan eo im jumae eo ejako aer watōke aikuj dedelok ilo jejetin ien.

9. Jumae ko

- a. Ewōr an pade ro jilimjuon (7) raan jen raan eo an jemlok eo ilo jeje ñan lelok kajitōk ñan juon jumae.

Bebe in Madmōd ko an Kōtaan len ñan Kabnōnō in Mantin Lōn

- i. Kajitōk ñan jumae aikuj lelok ñan CRCB.
- b. Armij eo ear lelok abnōnō im armij eo ej uwaak abnōnō ewōr aer maron ñan jumae jen:
 - i. Juon jemlok ikijen eddo; im
 - ii. Kabōjrak abnōnō eo ewōr karōkin ak jabdewōt abnōnō eo/ko rej nae ruon.
- c. Juon jumae aikuj kōmman kin wūn ko laajrak:
 - i. Ejab niknik mennin aikuj ko rar kakkure jemlok eo an jermal in;
 - ii. Kamool eo ekāāl ear jab bojak ilo ien jemlok eo ikijen eddo ak jolok, im emaron kar ukōt jemlok eo an jermal in; im
 - iii. Rikōlaajrak Taitol IX, rietale eo/ro, im/ak armij eo/ro rej kōmman jemlok ekkar wōr wūnin aer jibañ ak kalijeklok ñan armij ro rej lelok abnōnō ak armij ro rej uwaak abnōnō ak armij eo ej lelok abnōnō ak armij eo uwaak abnōnō ear jorrāan jen jemlok eo.
- d. Ilo an bael juon jumae, CRCB enaj jilkinlok kōjella eo kin jumae ñan pade eo juon.
- e. Kōjella eo an jumae eo enaj koba melele ko laajrak:
 - i. An walok armij eo ear kōmmane kelet eo kin jumae eo;
 - ii. Kōmelele kin madmōdin jumae, ekoba ien ñan lelok uwaak ilo jeje ej errā ak jab errā kin jumae eo;
 - iii. Melele kin wōn, ia, im wāween lelok uwaak ko ilo jeje an pade ro; im
 - iv. Kabe in kajitōk eo ñan jumae im emōj loe.
- f. Renaj lelok ejjā joñan ien ñan an pade ro aoleb lelok melele ko aer ilo jeje kin aer errā, ak jab errā kin jemlok eo.
 - i. Ewōr an pade ro jilimjuon (7) raan jen raan eo an kōjella in jumae eo ñan lelok uwaak ko aer ilo jeje.
 - ii. Uwaak ko ilo jeje an pade ro renaj jilkinlok ñan armij eo ej kōmmane kelet kin jumae eo.
- g. Ilo jemlokin ien eo ej jilimjuon (7) raan ñan an pade ro lelok uwaak ko aer ilo jeje, armij eo ej kōmmane kelet eo kin jumae eo ewōr an 21 raan ñan etale uwaak eo an pade ro, im jabdewōt melele ekkar; im lelok juon jemlok kin jumae eo.
- h. Armij eo ej kōmman jemlok kin jumae eo aikuj lelok juon jemlok ilo jeje ej kalikar jemlokin jumae eo im wūnin jemlok eo.
 - i. Jemlok eo ilo jeje aikuj etal ilo juon wōt ien ñan armij eo lelok abnōnō im armij eo ej uwaake abnōnō eo.
 - ii. Jemlok eo ilo jeje an jumae in aikuj etal ñan pade ko mokta jen raan eo aliktata an ien eo ñan armij eo ej kōmman jemlok kin jumae eo bwe en kōmmane kelet eo.
 - iii. Melele eo an koba ilo jemlok eo ilo jeje an jumae in ekoba:
 - a. Jemlok eo/ko/lomnak eo/ko rej jumae;
 - b. Wūnin jumae eo;

Bebe in Madmōd ko an Kōtaan len ñan Kabnōnō in Mantin Lōn

- c. Jemlok eo kin jumae eo; im
 - d. Wūnin jemlok eo an jumae eo.
- iv. Jemlok eo ilo jeje ikijen jumae eo enaj koba juon kōmelele ke ejellok oktak ilo jemlok eo.

10. Wāween Lelok Jibañ

- a. Wāween jibañ ko remaron lelok ekoba:
- i. Koonjel;
 - ii. Kaitoklok ien ak oktak ko ikijen katak ko jet;
 - iii. Oktak ko ñan laajrakin ien jermal ak jikuul;
 - iv. Jibañ ko ewōr juon eo ej lale im etal ibben armij eo ilo kamboj;
 - v. Mo ñan jab kebaak doon im rej joñan wōt juon ikōtaan armij ro ilo pade ko;
 - vi. len jako ko;
 - vii. Kōlablok kejbarok im lale jejetin jikin ko ilo kamboj eo; im
 - viii. Wāween ko jet einwōt.
- b. HIDOEO aikuj kejbarok an jab ajeeded melele kin jabdewōt wāween jibañ rej lelok ñan armij eo ej lelok abnōnō ak armij eo ej uwaake abnōnō eo, ñan joñan eo ñan kejbarok an jab ajeeded melele eban jelōt an HIDOEO maron lelok joñan kejbarok ko.

11. Kabōjrak ko an Idin len im Kōmadmōd ñan Bōjrak Jidik

- a. Kabōjrak ko an Idin len
- i. Mokta jen kabōjrak eo an idin ien ñan armij eo ej uwaak abnōnō, juon etale ej lale uwōta aikuj jenolok an kōmman.
 - ii. Wūnin etale eo ej lale uwōta eo emōj kōjenolok ej ñan lale elañe ewōr idin uwōta ñan ejmour im kejbarok eo an jabdewōt rijikuul ak jabdewōt armij im ke uwōta eo ej kamool kabōjrak an jikuul.
 - iii. Uwōta eo an idin ien aikuj walok jen melele ko nae ruon kin mantin lōn einwōt emōj kōmelele ijin lōn.
 - iv. Elañe jemlok eo enaj bwe armij eo ej uwaak abnōnō en bōjrak an jab jikuul, armij eo ej uwaak aikuj loe kōjellā eo kin aer kabōjrak an jikuul im rej aikuj lelok ien ñan an jumae jemlok eo ñan aer kabōjrak an bed ilo burokraam ak makūtkūt in jelālokjen eo.
 - a. HIDOEO enaj jilkinlok juon kōjellā ilo jeje ñan armij eo aikuj uwaake abnōnō eo kin aer kabōjrak an jikuul.
 - b. Rej aikuj loe jumae eo ikijen kabōjrak iloan lalem (5) raan jen raan eo an kōjellā eo ilo jeje ñan kabōjrak.
 - c. Eddo eo ej an armij eo ej aikuj uwaak abnōnō ñan kwalok ke jemlok eo ñan kabōjrak an jikuul ekkar bōd.
 - d. Burinjibol/armij eo emōt jitoñ ewōr an jilu raan in kwalok kelet eo an im lelok melele kin jemlok eo ñan armij eo ej uwaake abnōnō eo..
 - e. Renaj watōke enaj jemlok eo aliktata.
 - v. Jekdoñ enaj wōr jab kōjejet kūtien kabōjrak eo an idin ien enaj aikuj wōr uwaak ilo ien aer loe kōjella eo kin kabnōnō in mantin lōn ilo ien eo moktata, im bareinwōt ilo elōñ ien ko ilo madmōdin abnōnō eo ilo Taitol IX, einwōt an ekkar.
 - vi. Kakien eo ñan kabōjrak ilo idin ien ejab jañiji maron ko iomwin Disabilities Education Act (Kakien eo ej kejbarok ro ewōr utamwe ikijen jelālokjen), Jekjon 504 ilo Rehabilitation Act of 1973 (Kakien eo ear kōmman ilo 1973 ej kamo

Bebe in Madmōd ko an Kōtaan len ñan Kabnōnō in Mantin Lōn

kalijeklok armij ro ilo Amedka ewōr aer utamwe jen burokraam ko rej ebōk jāān jen kien) ak Americans with Disabilities Act (Kakien eo ej kamo kalijeklok ñan armij in Amedka ro ewōr aer utamwe).

- b. Kōmadmōd ñan bōjrak jidik
 - i. An HIDEOE bebe in kabōjrak an juon rijerbal eo ej uwaak abnōnō ilo ien an kattar madmōdin abnōnō eo.
 - ii. Jekdoñ kabōjrak eo ej aikuj ak jab aikuj remaron naj lale ilo jabdewōt ien madmōdin abnōnō eo.
 - iii. Kakien eo ñan kōmadmōdin kabōjrak ejab ukōt maron ko iomwin Jekjon 504 ilo Rehabilitation Act of 1973 (Kakien eo ear kōmman ilo 1973 ej kamo kalijeklok armij ro ilo Amedka ewōr aer utamwe jen burokraam ko rej ebōk jāān jen kien) ak Americans with Disabilities Act (Kakien eo ej kamo kalijeklok ñan armij in Amedka ro ewōr aer utamwe).

12. Wōr Wūnin Jibañ im Kalijeklok

- a. Rikōlaajrak eo an Taitol IX, rietale eo, im armij eo ej kōmman jemlok eban wōr wūnin aer jibañ ak kalijeklok ñan jabdewōt armkj ro rej lelok abnōnō ak uwaak abnōnō ak jabdewōt kajojo armij ej lelok ak uwaak abnōnō.
 - i. Elañe ewōr abnōnō kin wūnin an juon naj jibañ im/ak kalijeklok ñan kajojo armij ro emōj kwalok ettaer ijin, renaj etale wāween eo.
 - ii. Ñe renaj loe ke ewōr wūnin jibañ im/ak kalijeklok, armij eo enaj bōjrak an bed ilo madmōdin abnōnō eo, im ear jab bōk kwōnaan moktalok ilo madmōdin abnōnō, renaj lelok ñan jejetin juon jermal.

13. Joñan Aikuj in Kein Kamool

- a. Joñan aikuj in kein kamool eo ñan lale eddo eo ej Kajur in Kein Kamool. Joñan in enaj tōbrak elañe emōj loe ke elablok an maron kar walok jorrāān eo.

14. Lomnak ewōr Eddo

- a. Ewōr juon lomnak ke armij eo ej uwaake abnōnō eo ejab an eddo mūtōn eo nae ruon mae ien jemlok eo ej kwalok an wōn eddo eo enaj walok ilo jemlokin madmōdin abnōnō eo.

15. Madmōdin Jemlok eo Ejellok Karōkin

- a. Ejellok madmōdin jemlok ko ejellok karōkier renaj lelok einwōt mōttan madmōdin abnōnō eo.

16. Kaje im Jibañ ko Remaron Walok jen Lelok Katak

- a. Kaje ko remaron walok ñan lelok katak ñan rijerbal ekoba:
 - i. Lelok kōjella kin bōd ilo kenono
 - ii. Lelok bōd ilo jeje

Bebe in Madmōd ko an Kōtaan len ñan Kabnōnō in Mantin Lōn

- iii. Jejbaan
 - iv. Baer
- b. Kaje ko ikijen bōd remaron walok ñan rijikuul ekoba:
- i. Lelok kajimwe im kwelok ibben rijikuul
 - ii. Kaje
 - iii. Jolok kin an wōr kauwōtata
 - iv. Katak ko emōj kōjenolok kin jorrāān ko ikijen mūtōn rijikuul eo
 - v. Jejbaan ilo jikuul
 - vi. Juon jikin katak oktak iomwin ien kadu
 - vii. Ejellok mennin jibañ
 - viii. Kwelok ko ibben jinen im jemen
 - ix. Ien bed ilo opij eo
 - x. Jejbaan kin juon lok ñan joñoul raan in jikuul
 - xi. Jejbaan kin joñoul juon ak lablok raan in jikuul
 - xii. Jikuul ilo jadede
 - xiii. Lemaanlok katak kin bōd
 - xiv. Lemaanlok ñan burokraam in katak ko jet
 - xv. Kabōjrak an jikuul
 - xvi. Kōkkāāl ak Karoollok
- c. Kein jibañ ko
- i. Jibañ ko rej aikuj kōmmani ñan kōkkāāl ak kejbarok an joñan wōt juon an aoleb maron bōke burokraam ak makūtkūt ko an jelālokjen.
 - ii. Mennin jibañ ko emaron koba jerbal in jibañ ko emōj kōjenolok an juon im rej einwōt “wāween jibañ ko,” bōtab, jibañ ko rejab aikuj lelok kajimwe ak ejellok kaje im rejab aikuj lelok abañ ñan armij eo ej uwaake abnōnō eo.
 - iii. Mennin Jibañ ko Remaron Lelok ekoba:
 - a. Ukōt laajrakin ien katak im katak
 - b. Kakien ko ikijen jerbal in jibañ ikijen katak
 - c. Kakien ko ikijen jerbal in jibañ ikijen taktō
 - d. Kakien ko ikijen jerbal in jibañ ko ñan lale wāween an lomnak

17. Mantin Ukōt Nana

- a. Ejellok rijerbal an HIDOE enaj kamijak, kōlelñon, kamakoko, ak kalijeklok ñan jabdewōt armij kin an kakkure jabdewōt maron ak jibañ eo emaron bōke iomwin Taitol IX, ñe ejab Mennin Aikuj ko an Jidik len ak kinke armij eo emōj an kōmmane juon ripoot ak abnōnō, kamool, jibañ, ak bōk kwōnaan ak makoko in bōk kwōnaan ilo jabdewōt wāween ilo juon etale ak madmōd iomwin Mennin Aikuj ko an Jidik len kein.
- b. Kōlelñon, kamijak, kamakoko, ak kalijeklok, ekoba nae ruon juon armij kin an ruprup Kakien ko ikijen Mūtōn ko Rebōd im ejab koba kalijeklok ak kabnōnō in mantin lōn, bōtab rej walok jen ejjā melele ko rejimwe ak jekjek ko einwōt juon kōjellā ak abnōnō kin mantin lōn, ak juon kōjellā ak abnōnō ewōr karōkin kin abnōnō ko ikijen mantin lōn, ñan kakkure jabdewōt maron ak jibañ ej deloñ ilo Taitol IX ak ilo mennin, renaj watōke ej mantin uwōt nana.
- c. Abnōnō ko rej nae an armij ukōt nana remaron bael ekkar ñan ejjā mennin aikuj ko ikijen abnōnō einwōt kabnōnō kin mantin lōn.

Bebe in Madmōd ko an Kōtaan len ñan Kabnōnō in Mantin Lōn

18. Mennin Aikuj ko ñan Kejbarok Melele

- a. HIDOE aikuj kejbarok aoleb kōjellā im abnōnō ko kin kabnōnō in mantin lōn. Kōjellā kein ekoba:⁵
 - i. Kajojo etale ikijen abnōnō kin mantin lōn, ekoba jabdewōt jemlok ko ikijen eddo;
 - ii. Jabdewōt kaje ko kin bōd im emōj lelok ñan armij eo ej uwaake abnōnō eo;
 - iii. Jabdewōt wāween jibañ ko emōj lelok ñan armij eo ear kōmman abnōnō ñan kōkkāal ak kejbarok an armij maron bōke burokraam ak makūtkūt in jelālokjen an HIDOE.
 - iv. Jabdewōt jumae, ekoba jemlok in jumae eo; im
 - v. Aoleb peba ko rej kōjbal ñan lelok katak ñan Rikōlaajrak, rietale, im ro rej kōmman jemlok ikijen Taitol IX. HIDOE aikuj lolorjak an peba in katak kein bojak ñan an armij maron loi ilo website eo an.

- b. HIDOE aikuj kejbarok melele ko kin wāween an kōmadmōd abnōnō ko kin mantin lōn. Men kein ekoba kōjellā kin jabdewōt makūtkūt, ekoba:
 - i. Wāween jibañ ko rar bōki ñan aer kōmadmōde juon kōjella ak abnōnō ewōr karōkin kin abnōnō ikijen mantin lōn. Ñe rar jeb lelok wāween jibañ ko ñan juon eo ej lelok abnōnō, peba in kamool kin wūnin an uwaak eo jab lukkun alikar ekkar ñan jekjek ko emōj jelā kaki;
 - ii. Peba in kamool ñan kajojo ripoot emōj aer loe, im ñan kajojo ien, wūnin jemlok eo ke uwaak eo an HIDOE ekkar jab oktak; im
 - iii. Peba in kamool wāween ko rar kōmmani ñan kōkkāal im/ak kejbarok an armij maron bōke burokraam ak makūtkūt in jelālokjen ko an HIDOE.

⁵ Jekjon 106.45(b)(10)(i)(A) ilo kakien ko rej aikuj an HIDOE kejbarok melele ko iomwin jilimjuon yiō“[...] jabdewōt kanne in roñjak ak kein alwoj ak jeje kin ta ko rar walok im rej mennin aikuj iomwin ioon (b)(6)(i) ilo jekjon in, [...]” Jekjon 106.45(b)(6)(i) ej ikijen ien roñjak ko an imōn jikuul ko reutiejlok rej aikuj kakwōni, bōtab an jikuul in elementary im eutiejlok bebe in kakwōni. Einwōt juon jikin jikuul an kien an kilaaj K-12, emōj an HIDOE loe ke ien roñjak ko armij remaron itok ñani reban koba ilo madmōdin abnōnō ko an Taitol IX. Jekjon 106.45(b)(10)(i)(A) ej bar aikuj an HIDOE kejbarok iomwin jilimjuon yiō, melele ko kin jabdewōt jemlok ejellok karōkin, im ta ekkar walok jen jemlok eo ejellok karōkin. Emōj an HIDOElōe ke jemlok ko ejellok karōkier reban mōttan madmōdin abnōnō eo an Taitol IX.